

TEZAU LITURGIC

30 NOIEMBRIE

ACATISTUL SF.APOSTOL ANDREI



MOSCOVA, 2000



благодáтию Бóжиею, пода́ждь нáм слóво блáго,
да зовём ти́:

Рáдуйся, деннице от гра́да Вифсайды нáм
возсия́вшая;

ра́дуйся, равночестный б́рате верховнаго
Петра́.

Рáдуйся, ученичé вели́каго Предте́чи
Христо́ва;

ра́дуйся, пёрвее прóчих апóстол звáнный ко
апóстольскому служéнию от Самогó Гóспода.

Рáдуйся, я́ко и други́м с ра́достью воззва́л
еси́: приидите, обрето́хом жела́емаго Мессию́;

ра́дуйся, и нáс к Немú же приводя́й.

Рáдуйся, Андре́е, апóстоле Христо́в
Первозва́нный.

Конда́к 2

Учи́телю, гдé живёши? — вопроси́л еси́,
Андре́е, Спа́са ду́ш наших и, с Ни́м пребы́в де́нь
еди́н, возлюби́л еси́ на вся́ дни́ живота́ твоегó
обрéтеннаго тобо́ю Мессию́, и б́рата твоегó
старейшаго привёл еси́ к Немú. Те́мже и нáс, я́ко
ме́ньшую б́ратию твою́, к Немú же не престáй
влещи́, да и мы́, послédующе стопа́м твои́м,
вопи́ем Бо́гу: Аллилу́иа.

И́кос 2

Прови́дя в тебѣ́, святы́й Андре́е, ве́ры и любве́
пла́мень, Госпо́дь па́ки тя́ обре́те на э́зере
Геннисаре́тсте, я́ко ры́баря, купно́ с бра́том
твои́м, вмета́юща мре́жи во глубину́, и рече́
ва́ма: гряди́та по Мне́, и А́з сотворю́ вы́ ловца́
челове́ком. — Ты́ же а́бие послéдовал еси́ Ему́ и
богодухнове́нным сло́вом, я́ко мре́жею, челове́ки
улови́л еси́ Христу́, с ни́миже и мы́, улове́ннии
тобо́ю во спасе́ние, веща́ем ти́:

Ра́дуйся, я́ко от Само́го Го́спода лови́тве
духо́вней научи́лся еси́;

ра́дуйся, я́ко на то́м же э́зере с про́чими
апосто́лы обурева́емь бы́в, ве́рою спа́слся еси́ в
Го́спода, запреща́ющаго ве́тром и мо́рю.

Ра́дуйся, стяжа́вый ве́лию ве́ру, егда́ ви́дел
еси́ пречу́дное насыще́ние пяти́ ты́сящ пятию́
хле́бами;

ра́дуйся, да́р прия́вый от Го́спода цели́ти
вся́к недуг и вся́ку боле́знь.

Ра́дуйся, я́ко гла́с с небесе́ слы́шан бы́сть
е́ллином, Христа́ тобо́ю узре́вшим;

ра́дуйся, я́ко на горе́ Елео́нстей открове́на
бы́ша и тебѣ́ гряду́щая при кончи́не ми́ра.

Ра́дуйся, Андре́е, апо́столе Христо́в
Первозва́нный.

Конда́к 3

Стра́нствия Влады́чня и Безсме́ртныя
Трапе́зы на го́рном ме́сте Сио́на наслади́вся, я́ко
ве́рный дру́г Христо́в, вку́пе с про́чими апо́стола
узре́л еси́ Го́спода и Бо́га твоего́, от Него́же и Ду́х
Свя́т прия́л еси́, во е́же вяза́ти и реши́ти грехи́
лю́дскія. И па́ки, в то́йжде го́рнице Сио́нстей,
оби́льное бы́сть на тя́ излия́ние обето́ваннаго
Ду́ха во о́гненных язы́цах. Те́мже вся́ племена́
удиви́шася, ка́ко язы́ком их глаго́лал еси́
вели́чія Бо́жия, поя: Аллилу́иа.

И́кос 3

От Го́спода за́поведь при́им пропове́дати
Ева́нгелие все́й тва́ри, обте́кл еси́ мно́гия гра́ды
и страны́, апо́столе Андре́е, призыва́я лю́ди к
позна́нию И́стиннаго Бо́га и крестя́ их во и́мя
Отца́ и Сы́на и Свята́го Ду́ха; с ни́миже и мы́
сподо́бихомся благода́ти креще́ния. Сего́ ра́ди
благодарст́венная воспису́ем ти́:

Ра́дуйся, чуде́с Христо́вых провозвѣстниче
ве́рный;

ра́дуйся, свята́го Ева́нгелия пропове́дниче
громогла́сный.

Ра́дуйся, и́доляскаго служе́ния потреби́телю;
ра́дуйся, и́стиннаго благоче́стия насади́телю.

Ра́дуйся, я́ко по сло́ву твоemú лю́дие водо́ю и
Ду́хом возрожда́ются;

ра́дуйся, я́ко тобо́ю ве́рнии Безсме́ртныя
Трапе́зы причаща́ются.

Ра́дуйся, Андре́е, апо́столе Христо́в
Первозва́нный.

Конда́к 4

Си́ла Бо́жия осени́ тя, апо́столе
Первозва́нный, во е́же благовести́ти си́лу и сла́ву
Сы́на Бо́жия и утвержда́ти вся́ ве́ровати во
Святу́ю Тро́ицу призва́нныя. Те́мже у́бо и на́с,
покланя́ющихся Еди́ному в Три́ех Ипоста́сах
Бо́гу, на зла́чней па́жити ве́ры Христо́вы
соблюди́, да благода́тию Свята́го Ду́ха вы́ну
освяща́емии, велегла́сно поём Ему́: Аллилу́иа.

И́кос 4

Приве́д ко Христу́ брата́ твоего́ Си́мона
Петра́, Первозва́нне, с ним изше́л еси́ и на
апо́стольское служе́ние твоё, пе́рвое во
Антиохи́ю и Сино́п, и та́мо победи́в де́монов
полки́, от у́з темни́чных спутника́ твоего́
апо́стола Матфе́я свободи́л еси́, и ю́зники с ним

бы́вшаго крестѣ́, верхо́вному Петро́у отту́ду в
за́падныя страны́ теку́щу, ты́ бра́тнее целова́ние
да́л еси́ ему́, са́м же до́бре подвижа́лся еси́ на
восто́ках. Те́мже и мы́, лю́дие Це́ркве
Восто́чныя, блажи́м тя:

Ра́дуйся, си́ло Бо́жия, полки́ де́монов
прогоня́ющая и у́зы темни́ц сокруша́ющая;

ра́дуйся, приятелище́ благода́ти
апосто́льския, от а́довых у́з тайноде́йственне нас
свобо́ждающая.

Ра́дуйся, за́пад и восто́к с бра́том твои́м
богомудры́м, проповеди́ ра́ди сло́ва Бо́жия,
жре́бием раздели́вый;

ра́дуйся, во гра́де Сино́пе неве́рие иудеев
си́лою чуде́с твои́х обли́чивый.

Ра́дуйся, я́ко та́мо от безбо́жных Христа́ ра́ди
би́ен бы́л еси́;

ра́дуйся, я́ко от Само́го явля́шагося ти́
Го́спода исцелё́ние язв тебе́ дарова́ся.

Ра́дуйся, Андре́е, апосто́ле Христо́в
Первозва́нный.

Конда́к 5

Двукра́ты возвра́щая во Святы́й Гра́д, да
ку́пно со апосто́лы пятидеся́тны́й де́нь

празднуеши тамо, двукраты паки шествовал еси от святаго Сиона, во еже Христа проповедати вселенней, первее со Иоанном наперсником Господним, посем же с Симоном Кананитом и Матфием, иже жребием назнаменован бысть во апостола, и вся пределы Асии и Понта обтекл еси, словом спасения всех оглашая, да Богу поют: Аллилуиа.

Икос 5

От моря Галилейскаго до Понта Евксинскаго апостольския мрежи твоя распрострый и все поморие окрест огласивый благовестием твоим, востекл еси, Первозванне, и в страны Скифии, Крест Христов всюду водружая в знамение нашего спасения. Сего ради и мы, аще и позднии роди, внемлюще благовестию твоему и воспоминающе подвиги твоя, зовем ти:

Радуйся, в Никеи лютыя разбойники укротивый и лютейшаго дракона умертвивый;

радуйся, Крест Христов посреде града сего водрузивый, яко Предтеча сый двукраты собранных тамо отец богоносных.

Радуйся, яко во Асии и Понте тобою свет Христов возсия;

ра́дуйся, я́ко апо́стольский же́зл тво́й
предго́рие Кавка́са свѣту Христо́ву отве́рзе.

Ра́дуйся, імже мрак Киммерійский озари́ся;
ра́дуйся, імже вселѣнная стру́ями воды́ жи́вы
напойся.

Ра́дуйся, Андре́е, апо́столе Христо́в
Первозва́нный.

Конда́к 6

Бу́рею страсте́й одержи́мая и, я́ко во́ды
океа́на, волну́емая, племена́ челове́ков, я́же не
ве́дяху Бо́га Исти́ннаго, привѣл еси́, апо́столе, к
ти́хому приста́нищу Христо́ву и те́х се́рдца, а́ки
у́тлую лади́ю неве́рием обу́рева́емая, на я́кори
ве́ры Правосла́вныя утверди́л еси́. Те́мже и мы́,
я́ко ча́да Правосла́вныя ве́ры, благода́рным
се́рдцем и благода́рными усты́ вопи́ем Бо́гу:
Аллилу́иа.

И́кос 6

На горе́ Елео́нстей Божѣ́ственнаго Учи́теля
твоего́ иногда́ со про́чими апо́сто́лы вопро́сил
еси́, Андре́е: Рцы́ нам, что́ е́сть зна́мение
прише́ствия Твоего́? — На гора́х же Кие́вских,
я́ко орга́н сый благода́ти Ду́ха Свята́го, ты́
предвозвести́л еси́ гряду́щую сла́ву ме́ста сего́;

мы́ же, предрече́нныя на́м ми́лости се́я
сподо́бльшеся, умиле́нно взыва́ем ти́:

Ра́дуйся, я́ко с горы́ Си́она зако́н на́м
ева́нгельский прине́сл еси́;

ра́дуйся, я́ко по вода́м Ворисфе́на апо́стол
Бо́жий к на́м восте́кл еси́.

Ра́дуйся, благода́ть Иорда́нову, креще́ния
на́шего ра́ди, реце́ се́й дарова́вый;

ра́дуйся, на гора́х Кие́вских Крест на́шего
спасе́ния водрузи́вый.

Ра́дуйся, имже оби́льное излия́ние благода́ти
Бо́жией зде́ предрече́ся;

ра́дуйся, имже быти́е гра́да вели́ка и церкве́й
мно́гих зде́ предвозвесті́ся.

Ра́дуйся, Андре́е, апо́столе Христо́в
Первозва́нный.

Конда́к 7

Дне́сь, во исполне́ние проро́ческаго гла́са
твоего́, хра́м пресла́вный красу́ется на ме́сте,
иде́же не су́щая я́ко су́щая прови́дел еси́ по да́ру
Ду́ха Свята́го; о́крест же его́ гра́д ве́лий с
це́рквами златове́рхими и́стину словес твои́х
свидете́льствует, ему́же и доны́не ты́, я́ко с
го́рняя кафе́дры, ми́р благовеству́еши. Те́мже и

мы́, сбы́тиѣ богодухнове́нных глаго́л твои́х
зря́ще, ве́лиим гла́сом взыва́ем Бо́гу: Аллилу́иа.

И́кос 7

От светоно́сныя зари́, Первозва́ннаго
апосто́ла, свѣ́тъ богове́дения восприи́мши, свята́я
О́льга возсия́ Росси́йстей земли́ я́ко денница́
на́шего спасе́ния, возводя́ вслѣ́д себѣ́, я́ко
светоза́рное свети́ло, вну́ка своего́ Влади́мира,
просвети́теля всея́ полу́нощныя страны́. Те́мже и
мы́, возведше́ о́чи на́ша к тебѣ́, Андре́е
богомудре́, я́ко к нача́льному благове́стнику
на́шего спасе́ния, воспису́ем ти́ похва́льная сия́:

Ра́дуйся, я́ко деннице́ на́шего спасе́ния, О́льзе
святе́й, свѣ́та Боже́ственного позна́ние
дарова́ся;

ра́дуйся, я́ко благове́рию ея́ Христо́во
Ца́рствие отвѣ́рзеся.

Ра́дуйся, я́ко благослове́нием твои́м
пресла́вное свети́ло от сея́ денницы́ на́м
произы́де;

ра́дуйся, я́ко по твоemú предвозвѣ́стию
апосто́льскому равноапосто́льный князь на́м
яви́ся.

Ра́дуйся, я́ко тобо́ю свята́го Влади́мира
ца́рствие земно́е к небе́сному приобщи́ся;

ра́дуйся, я́ко Дне́пр и Поча́йна, ре́ки
Ки́евския, спаси́тельною купе́лию на́м бы́ша.

Ра́дуйся, Андре́е, апо́столе Христо́в
Первозва́нный.

Конда́к 8

Пропове́дуют пресла́внаго гра́да Ки́ева и всея́
Росси́йския страны́ па́стырие и пасо́мии па́мять
дея́ний твои́х, богому́дре Андре́е апо́столе; в
не́драх же пеще́рных нетле́нно почи́вающи
уго́дницы Бо́жии, со Анто́нием и Феодо́сием,
немо́льными усты́, я́ко жи́ви су́ще, сла́ву твою́
веко́м и родо́м возглаша́ют, тобо́ю бо
водруже́нный зде́ Крест, я́ко
благосенноли́ственное дре́во, произрасте́, во е́же
изнести́ на́м плоды́ благоче́стия и святы́ни. Мы́
же райскаго вертогра́да твоего́, а́ки птенцы́
духо́внии, тобо́ю науче́ни есмы́ воспева́ти Бо́гу:
Аллилу́иа.

И́кос 8

Не то́чию Руси́ еди́ныя бы́л еси́ спасе́ния
провозве́стник, Первозва́нный апо́столе
Христо́в, но и вся́ словéнская племена́, я́коже
ко́кош, птенцы́ своя́ под криле́ собира́яй, привёл

еси́ я́ ко Христу́; ты́ бо от Херсо́ниса во мра́к
полу́нощныя страны́ прозира́я, су́щим та́мо
лю́дем, да Бо́жию науча́тся сло́ву, премудры́я
учи́тели, Кири́лла и Мефо́дия, про́поведию твоёю
за мно́гия ве́ки преду́гото́вал еси́; мы́ же, а́ки
уста́ми сих просвети́телей на́ших, велегла́сно
вопи́ем ти́:

Ра́дуйся, сло́венская племена́ искони́
благослови́вый;

ра́дуйся, сло́во их разу́мное сло́вом Бо́жиим
умудри́вый.

Ра́дуйся, я́ко глаго́лу Бо́жию послушли́вии,
Церкве ча́да словесна́я бы́ша;

ра́дуйся, я́ко в Херсо́нисе, иде́же пропове́дал
еси́, пе́рвая ру́сская пи́смена Кири́лл святы́й
обре́те и при́ят я́.

Ра́дуйся, я́ко те́ми А́лфу и Оме́гу, Нача́ток и
Коне́ц — Христа́ Бо́жию премудро́сть возвести́л
еси́ им;

ра́дуйся, я́ко и вся́ богодухнове́нная писа́ния
учи́телие сий на язы́к сло́венск на́м преложи́ша.

Ра́дуйся, Андре́е, апо́столе Христо́в
Первозва́нный.

Конда́к 9

Пусты́нныя Ски́фии не убо́явсѧ, во глубинѹ
полунощныя страны́ простѣрл еси́ апосто́льская
странствія́ твоѧ, Первозва́нне, отону́дуже и в
вѣтхий Ри́м пришѣл еси́, иже тогда́ глава́ ми́ру
язы́ческому бы́сть; о́баче тмы́ ради́ идо́льския
оста́вль его́, и на кра́сный бре́г Воспо́ра пришѣд,
та́мо во гра́де Византии́, иже но́вый Ри́м и
ма́терь христиа́ном бы́сть, апосто́льский престолъ
тво́й утверди́л еси́, да от него́ востокъ и се́вер
весь свѣ́том ве́ры озари́тся, ве́рнии же ча́да
Цѣ́ркве Христо́вы Бо́гу единомы́сленно воззову́т:
Аллилу́иа.

И́кос 9

Ма́ти Сио́н, — псаломски́ рече́тъ челове́к, я́ко
челове́к духо́вно роди́ся в нём, но́вый же Сио́н
на́м бы́сть Ки́ев: в нём бо́ свѣ́т и благода́ть
Бо́жия яви́ся всѣ́м сыновомъ́ росси́йстим от
кафе́дры, ю́же ты́, Первозва́нне апосто́ле, в
Византии́ утверди́л еси́. Те́мже и мы́,
Невече́рним Свѣ́том оза́ряемии, благода́рне
взыва́ем ти́:

Ра́дуйся, от горы́ Сио́нска́я снизше́дый и
го́рним свѣ́том Ки́ев многохо́лмный оза́ривый;

ра́дуйся, гра́ду се́му́ многопло́дие духо́вное
благослове́нием твои́м, низпосла́вый.

Ра́дуйся, я́ко посреде́ вселе́нныя
апосто́льский престо́л тво́й утверди́л еси́;

ра́дуйся, я́ко под се́нь его́, в но́вом Ри́ме, вся́
просвеще́нныя тобо́ю язы́ки собра́л еси́.

Ра́дуйся, и́мже Правосла́вие в душа́х их
утвержда́ется;

ра́дуйся, и́мже от восто́ка тма́ за́пада
отрева́ется.

Ра́дуйся, Андре́е, апосто́ле Христо́в
Первозва́нный.

Конда́к 10

Егда́ наста́ вре́мя преста́вления твоего́,
блаже́нне апосто́ле, в дре́вния Па́тры Аха́йския
прише́л еси́, да та́мо жре́н бу́деши, течение́ бо
сконча́л еси́, по́двигом до́брым подвиза́лся еси́,
всём пропове́дав Христа́ распя́та, иудее́м
собла́зн, е́ллином же безу́мие, на́м же, зва́нным и
спаса́емым, — Христа́, Бо́жию Си́лу и Бо́жию
Прему́дрость, от Нея́же и научи́хомся пе́ти Бо́гу:
Аллилу́иа.

И́кос 10

Всю́ду и́менем Го́спода Иису́са боля́щия
исцеля́я, ме́ртвыя воскреша́я, бе́сы изгоня́я, и во
Па́трах предсме́ртную про́поведь твою́ чуде́сами
утверди́л еси́, апо́столе Христов, и анфи́пата
Ле́звия обрати́л еси́ к позна́нию и́стины, егда́
противле́ния ра́ди я́звою пораже́н бы́в, тобо́ю от
одра́ боле́зни воздви́жен бы́сть, лю́дие же вси́,
ви́девши в тебё́ си́лу Бо́жию, и́долы своя́
сокруши́ша, посём и Го́спо́дь яви́ся тебё́, я́коже
Па́влу иногда́ в Корин́фе, и повеле́ взяти́ кресто́
тво́й, назна́меновав си́м твоё́ в Па́трах, Его́
ра́ди, страда́ние. Те́мже и мы́, дивя́щися ве́лией
благода́ти в тебё́, благоговейно́ взыва́ем:

Ра́дуйся, ве́лия Бо́га всемо́гущаго си́ло;
ра́дуйся, многоце́нное чуде́с сокрови́ще.

Ра́дуйся, дре́вних Па́тр просвеще́ние и
украше́ние;

ра́дуйся, неве́рие анфи́пата в ве́ру
премени́вый.

Ра́дуйся, я́ко та́мо па́ки яви́ся тебё́ Го́спо́дь,
на по́двиг кресто́ный тя́ призва́вый;

ра́дуйся, я́ко угото́вася тебё́ вене́ц пра́вды.

Ра́дуйся, Андре́е, апо́столе Христо́в
Первозва́нный.

Конда́к 11

Неро́н ке́сарь, я́коже иногда́ И́род, гоне́ние на
вся́ ве́рныя воздви́гнувый, в Ри́ме Па́вла мече́м
усе́кну, Петра́ же на кресте́ распя́, подо́бне и
тебе́ дости́же в Па́трах рука́ мучи́телева, егда́
вме́сто кро́ткаго Ле́звия судию́ поста́ви Егеа́та
люта́го, и́же не терпя́й креще́ния бра́та своего́,
ниже́ исцеле́нием жены́ своея́ умягче́н бы́в, в
темни́цу вве́рже тя́ и, я́коже верхо́внаго Петра́,
на крест осуди́. Ты́ же ю́зник сый, в темни́це
мра́чней, я́ко во све́тле хра́ме, бра́та
анфипа́това Стратокли́са во епи́скопа Па́тром
проро́чествовал еси́, Бо́гу со все́ми ве́рными
посреде́ узи́лища воспева́я: Аллилу́иа.

И́кос 11

На ме́сте ло́бнем крест́ воздви́заем узре́в, на
не́мже имёл еси́ распят бы́ти, не убо́ялся еси́,
апо́столе, да́же до сме́рти свиде́тельствовати
возлю́бляшаго тя́ и возлю́бленнаго тобо́ю Христа́,
и к сему́ зна́мению спасе́ния ру́це проти́рая,
умиле́нно взыва́л еси́:

Ра́дуйся, Кресте́ Всечестный́, пред ни́мже с
весели́ем предстою́, ве́дая тя́, упова́ние моё;

ра́дуйся, Кре́сте Животворя́щий, егóже глава́
до небéс дости́же, подно́жие же врата́ а́да
сокруши́.

Ра́дуйся, Кре́сте достопокланя́емый,
восприе́мый Влады́ку моего́, я́ко гро́здие
сладча́йшее, источи́вшее на́м спасе́ние;

ра́дуйся, Кре́сте благослове́нный, разбо́йника
спасы́й и тому́ плоды́ испове́дания дарова́вый.

Ра́дуйся, я́ко и моя́ ра́дости исполне́ние бы́л
еси́; — те́мже

ра́дуйся и ты́, страстоте́рпче, на Кресте́ ве́ру
твою́ во Христа́ запечатле́вый.

Ра́дуйся, Андре́е, апо́столе Христо́в
Первозва́нный.

Конда́к 12

Прииди́те, свиде́телие ра́дости моея́! —
воззва́л еси́ апо́столе к соверши́телем во́ли
Егеа́та, — твори́те во́лю наю обою́, распни́те мя́
и, я́ко а́гнца, принесите́ в же́ртву созда́вшему
мя́ Творцу́. — И сия́ ре́к, возше́л еси́ на крест,
я́ко на го́рнюю кафе́дру, с нея́же три́ дни́ и три́
но́щи пропове́дал еси́ сло́во Бо́жие о́крест
стоя́щим лю́дем, да не боя́тся сме́рти,
испове́дающе Го́спода Иису́са. Егда́ же све́том

небесным озарися лик твой, ужасеся мучитель и ты со креста взяти повеле; обаче ты, страстотерпче, не восхотел еси от крестных мук разрешитися, до исхода твоего непрестанно Богу вопия: Аллилуиа.

Икос 12

Славяще апостольския подвиги твоя, Андрее Первозванне, ублажаем святую кончину твою, еюже Живоносную Страсть Сына Божия прославил еси, и во умилении сердца взываем ти сице:

Радуйся, друже Христов, с радостию крестная страдания за Него претерпевый;

радуйся, апостоле верный, со креста глаголы живота вечного людям проповедавый.

Радуйся, яко в час снятия со креста осени тя свет, аки молния с небес;

радуйся, яко православно исповедающим проповеданного тобою Христа Сына Божия обещал еси благодать велию.

Радуйся, Горняго Иерусалима апостольское основание;

ра́дуйся, седя́й со апо́сто́лы на еди́ном от двоюна́десяте престо́лов, во е́же суди́ти вся ко́лена Изра́илева.

Ра́дуйся, Андре́е, апо́сто́ле Христо́в Первозва́нный.

Конда́к 13

О, Первозва́нный апо́сто́ле Христо́в Андре́е! При́зри на благохвалéния сия́ все́х чту́щих святу́ю па́мять твою́, и я́ко водрузи́л еси́ кресто́ное дре́во на гора́х гра́да Ки́ева, при́сно осеня́й и нас спаси́тельным зна́мением сим, да, Кресто́м Го́спода Бо́га и Спа́са на́шего охраня́еми, дости́гнем в ме́ру во́зраста исполне́ния Христо́ва и сподо́бимся с тобо́ю и со все́ми святы́ми, во гла́се ра́дования, в безконéчныя ве́ки пéти Бо́гу, Спаси́телю на́шему: Аллилу́иа.

Этот конда́к чита́ется три́жды, затем и́кос 1-й и конда́к 1-й.

Моли́тва

Первозва́нне апо́сто́ле Бо́га и Спа́са на́шего Иису́са Христа́, Це́ркве посло́дователю́ верхо́вный, всехва́льне Андре́е! Сла́вим и, велича́ем апо́сто́льския́ труды́ тво́я, сла́дце помина́ем твоё́ благослове́нное к нам

прише́ствие, ублажа́ем честна́я страда́ния тво́я, я́же за Христа́ претерпе́л еси́, лобыза́ем священны́я мо́щи тво́я, чтимъ святу́ю па́мь твою́ и ве́руем, я́ко живъ Госпо́дь, жива́ же и ду́ша тво́я и с Ни́м во ве́ки пребыва́еши на небеси́, иде́же и люби́ши ны́ то́южде любо́вию, е́юже возлюбилъ еси́ насъ, егда́ Ду́хом Святы́м прозрѣ́л еси́ наше́, е́же ко Христу́ обращѣ́ние, и не то́чию люби́ши, но и мо́лиши о насъ Бо́га, зря́ во Свѣ́те Его́ вся́ ну́жды наша́. Та́ко ве́руем и та́ко сию́ ве́ру на́шу испове́дуемъ во хра́ме, и́же во и́мя твоѣ́, святы́й Андре́е, пресла́вно создася́, иде́же святы́я мо́щи тво́я почива́ют; ве́рующе же, про́сим и мо́лимъ Го́спода и Бо́га и Спа́са на́шего Иису́са Христа́, да моли́твами твои́ми, я́же при́сно послу́шает и прие́млет, пода́ст намъ вся́ потре́бная ко спасѣ́нию насъ грѣ́шных; да я́коже ты́ а́бие по гла́су Го́спода, оста́вь мре́жи своя́, неукло́нно Ему́ послѣ́довал еси́, си́це и кийждо́ от насъ да и́щет не свои́хъ си́, но е́же к созида́нию бли́жняго и о го́рномъ зва́нии да помышля́ет. Имѹ́ще же ты́ предста́теля и моли́венника о насъ, упова́ем, я́ко моли́тва тво́я мно́го мо́жетъ предъ Го́сподемъ и Спаси́телемъ на́шимъ Иису́сомъ Хри́стомъ, Ему́же подоба́етъ

всякая сла́ва, че́сть и покло́нение со Отце́м и
Святы́м Ду́хом во ве́ки веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
* НЕБО**